

STRANKA ZA BOSNU I HERCEGOVINU

OPĆINSKA ORGANIZACIJA BREZA

Breza, 02.april 2013.

Saopštenje za javnost

Odluke OV Breza o poskupljenju komunalnih usluga, dodjeli Šestoaprilске nagrade, te procedura dodjele na korištenje SRC "Ada Breza" su najblaže rečeno neprincipijelne i u suprotnosti sa izbornim obećanjima.

Poštovani sugrađani,

U skladu sa našim predizbornim obećanjem, gdje smo jasno obećali svim našim sugrađanima, da ćemo se blagovremeno javno očitovati o svim odlukama i aktivnostima općinskog vijeća Breza, a u kojem i Stranka za Bosnu Hercegovinu participira sa svoja dva vijećnika (Hasić Muhamed i Salčinović Đejlan) koji ne pripadaju vladajućoj većini.

Radi pojašnjenja odnosa koji vladaju u Općinskom vijeću obavještavamo Vas da po potpisanom sporazumu (iz decembra 2012.godine) vladajuću većinu sa Načelnikom na čelu, u OV Breza čine slijedeće stranke: SDA (5), A-SDA (2), Stranka za narod BiH (1), BPS (1), Stranka radom za boljitak (1), GDS BiH (1), Stranka penzionera (1), Nezavisni vijećnik Alić Admir

Informisanosti radi vijećnik Admir Alić je dobio mandat kao član Stranke za BiH, ali nije član Kluba Stranke za BiH od kada je samoinicijativno istupio (prije održanog prvog vijeća) i počeo da djeluje kao nezavisni vijećnik kao dio vladajuće većine.

Općinski savjet SBiH Breza ovom prilikom želi javno skrenuti pažnju svim našim sugrađanima na nekoliko odluka donesenih na posljednjoj sjednici OV Breza, održanoj 26. marta 2013. godine.

Jedna od tačaka dnevnog reda bila je odluka o davanju saglasnosti na povećanje cijene odvoza smeća, te smatramo kako najšira javnost ima pravo da zna kako njeno usvajanje predstavlja neprincipijelan stav svih onih koji su glasali ZA usvajanje ove odluke, obzirom da su upravo ti politički subjekti, i vijećnici u samoj izbornoj kampanji kao najznačajniju tačku svog budućeg rada isticali upravo brigu za svako domaćinstvo i svakog pojedinca, a usvajanje ovakve odluke predstavlja direktno udar na džep svih kategorija stanovništva u Brezi, uključujući i penzionere, nezaposlene, socijalne slučajeve i sl.

Svjesni smo stanja u kojem se nalazi Javno komunalno preduzeće Breza, da je riječ o problemima koji su se gomilali godinama, što zbog nebrige ili nesposobnosti ranije vlasti, mišljenja smo da je upravo iz navedenih razloga, bilo potrebno prethodno iscrpiti sve druge mogućnosti (smanjenje internih troškova, proširenje djelatnosti...), prije nego što se pribjegne mjeri povećanja cijene. Upravo zbog toga, smatrali smo da razlozi ili opravdanja koja su se čula na sjednici, kako od strane direktora, nadležne općinske službe kao predlagača ovog poskupljenja, kao i nekih vijećnika nisu dovoljna, te vijećnici SBiH nisu glasali ZA ovu odluku. Za ovu odluku glasalo je ukupno 12 vijećnika ZA.

Smatramo da odluka o dodjeli šestoaprilskih nagrada Općine Breza predstavlja posebno pitanje "neukusa". To jeste, smatramo kako forsiranje određenih imena, koje se nalaze na političkim funkcijama dovodi u pitanje smisao zbog kojeg se te nagrade i dodjeljuje, te objektivno gledano, dovodi pod znak pitanja kredibilitet i ostalih dobitnika nagrada, kako onih iz predhodnih godina, tako i onih budućih, jer želio to neko prihvatiti ili ne, u javnosti se stvara dojam da je i ovo pitanje prije svega, pitanje političkog uplitanja, te da se nagrade dodjeljuju pod pritiskom, i pristrasno. Za ovu odluku glasalo je 17 vijećnika ZA i 2 vijećnika SBiH su bila suzdržana iz principijelnih razloga.

Odluku o dodjeli SRC "ADA" Breza na upravljanje preduzeću RIV d.o.o Breza mimo konkursne procedure smatramo posebno neprincipijelnom, ta kako odbijanje našeg zahtjeva pred općinskim vijećem da se raspiše javni oglas na kojem bi bio odabran najbolji ponuđač predstavlja očit primjer političkog nasilja i nedemokratske prakse, te je u suprotnosti sa onim što su izabrani zvaničnici obećavali u toku predizborne kampanje a odnosilo se na transparentnost i jednake šanse za sve građane Općine Breza. Naime, SBiH Breza ne protivi se tome kome je dodjeljeno na korištenje, već kako, jer u ovom slučaju stvara se kod javnosti dojam, da određeni pojedinci doživljavaju javna dobra od značaja za sve građane Breze, kao privatno vlasništvo, te da niko ko nije u prisnim odnosima sa vladajućom strukturom neće moći ostvariti svoje pravo, niti napraviti bilo kakvu promjenu, bez obzira kako i koliko kvalitetan program imao.

Na kraju, želimo još jednom jasno istaći da će Stranka za BiH Breza i u buduće javno reagovati na sve odluke općinske vlasti, kao i na sva pitanja od najšireg društveno-političkog značaja za sve naše sugrađane.

Općinski savjet Stranke za BiH Breza